

চেতনার নবায়ন

মাহমুদা রুন্সু

আমার জন্য একটুকরো জমি রেখো
ওই ওখানে —
যেখানে বার্ষিক গতি বড় বেশী
ভাসায় ডোবায় আনন্দ-বেদনার প্লাবনে ।
যেখানে মানব বন্ধন জেগে ওঠে বারবার
চেতনার নবায়নে ॥

ওখানে একজন সুশীল রমনী
একা একা জাগছে প্রহরের পর প্রহর
৩৫গুন ৩৬৫ প্রহর ।
এইবার আরো একবার
প্রতিরোধের দীপ্রদীপ জ্বলে
৫৫ হাজার বর্গমাইলকে বুকের পাজর দিয়ে
বাঁধবে ।
চেতনার নবায়নে ।
সুশীল রমনী জেগেছে। মাইভে ॥ ॥

সুশীল রমনী জেগেছে আবার ।
রত্নগর্ভার অমূল্য রত্নেরা ব্যস্ত -
কুৎসিত আগাছা, বিষাক্ত পরগাছা উৎপাটনে ।
জড়ো হয়েছে বিবস্ত্র স্বাধীনতার বিবর্ন প্রাংগনে ।
মাইভে মাইভে জাগে, নবচেতন্যে জাগে
আরো একবার বিস্ফারিত ।
পুনঃপুনঃ রক্তপ্লাবনে রমনী সহিষ্ণু ।
পৌনপৌনিকে ।
সুশীল রমনী জেগেছে এবার
পদস্থলিত আপন সন্তান নিধনে ।
ওখানেই আমাকে দিও একটুকরো জমি ।

আমাকে দিও একটুকরো জমি
তোমার উঠোনে ।
বার্ষিক গতির আবর্তে ষড়ঋতুর বিবর্তে
ঝড় হবে, বৃষ্টি ঝড়বে,
হবে পলাশ কৃষ্ণচূড়ায় রাঙ্গা । পুনঃপুনঃ ।
পৌনপৌনিকে ।
সুশীল রমনী —
তোমার ৫৫ হাজার বর্গমাইলের স্নেহের অচলায়তনে ।

সুজলা শ্যামলা স্নেহের অচলায়তনে ।
চেতনার নবায়নে ।
স্বপ্নের রূপায়নে ।
স্বাধীনতা দীপায়নে ।
দীপ্রদীপ অনির্বানে ।
সুশীল রমনী জেগেছে । মাইভে ॥ ॥ ॥